

義寧州志卷第十三

武事

干城之寄赳赳桓桓綢繆未雨有備無患分寧巖邑水曲
山環洪州右臂吳楚屏藩寇盜有警備禦維艱
帝敷文德苗格舞干民循守望耕鑿奠安志武事

漢

桓帝延熹五年遣御史中丞盛修募兵討長沙零陵賊不能

克豫章艾縣六百餘人應募而不得賞怨恚遂反漢書度尚傳

秋八月艾縣賊焚燒長沙郡縣寇益陽殺縣令衆漸盛桓帝

紀及度尚傳 江西通志云 綱目書於夏據 帝紀在八月

時賊乘刺史車屯據臨湘居太守舍賊萬人以上屯益陽

殺長史東觀記

義寧州志

卷十三

武事

四百六十六

七年夏五月荊州刺史度尚擊艾縣賊平之通鑑綱目 通志云據帝

紀當在 秋七月

遣謁者馬睦督荊州刺史劉度擊艾縣賊軍敗睦度奔走

尚書朱穆舉度尚擢為荊州刺史尚躬率步曲與同勞逸

召募雜種諸夷明設購賞大破之降者數萬人度尚傳

獻帝建安中劉表從子磐驍勇數為寇於艾西安諸縣孫策

分海昏建昌左右六縣以太史慈為建昌都尉治海昏並

督諸將拒磐磐絕跡不復為寇孫權統事以慈能制磐遂

委南方之事吳書太史慈傳 州境幕阜山相傳太 史慈拒劉磐置營幕其上因以為名

表暉獻帝春秋云初豫章太守周術病卒劉表上諸葛元

為豫章太守治南昌漢朝聞周術死遣朱皓代元元不受

命皓從揚州刺史劉繇求兵擊元元退屯西城皓入南昌

建安二年正月西城民殺元送首詣縣註也西城即西安城也以其在豫章郡西改曰西城吳志潘璋傳云劉表在荊州西安民數被兵寇元之退屯西城欲假表為授民益恐致寇故攻而殺也

宋

高宗建炎中金騎至江右牧守望風逃避知分寧縣陳敏識抗義不屈斬虜數騎與民死守卒全其境張俊奏陞分寧為義寧軍遷敏識二秩就知軍事張南軒集

紹興元年夏五月趙延壽據分寧縣呂頤浩招降之得其精銳五千分隸諸將宋史

理宗景定元年春二月元軍過分寧武寧二縣河朔砦都監權巡檢張興宗死之宋史理宗紀

景定庚申北兵乘武邑狗石隘撤戍延袤江右分寧亦遭義寧州志

卷十三

武事

二 四百六十八

厄繼而諸寇紛起知縣任滄與民效死過兵平寇豫章志度宗咸淳末諸邑盜起湖帥吳隆引兵經畧至分寧招安甫定餘黨未順者悉擒之屬參謀周文勝監戮文勝讞得迫脅者千餘人悉縱遣之舊志官師傳

帝焘德祐元年元兵入分寧舊廣濟尉黃介帥鄉民登龍安山為保聚計元兵至砦眾奔潰介堅守不去且射且詬被鏃如蝟倚柵而死宋忠義傳

端宗景炎二年即元世祖至元十四年八月文天祥入永興縣分寧豪傑舉兵應之舊祥異志

元

順帝至正十二年春草寇侵寧州境判官楊宗訓與宣差帖木耳糾義士莫以中游孟莊吳德文德機祝興可黃居簡

策宣差帖木耳守武寧界判官楊宗訓守武昌界八月八日永興寇張普憲與武寧寇盧昌瑞從武寧入境宣差帖木耳戰敗二十日州治遂破宗訓等與賊游清溪逆戰於南樓嶺亦敗走退保吳仙里祝興可以兵策應數與賊王鉄師等拒戰俘獲甚衆新任判官湯盤與僚屬葉伯厚從間道赴宗訓軍合謀率吳德文等入州治殺賊余茂功等遂克復州治舊志官師傅及孝義傳

十三年賊黨余祐二戕義士姜本道等復破州治新任判官湯盤死之祝興可率鄉兵與祐二戰敗奔平江總兵皂溪張軍前求救張與二千餘人大破祐二於西峽橋俘馘數百擒殺祐二餘寇劉院判吳娘子復戕興可於高嶺六月楊宗訓率莫以忠等與清溪戰於黃岡墩累戰累勝乘

義寧州志

卷十三

武事

三

五百十二

勝追之賊伏四發宗訓及莫以忠等俱死之

南昌死義傳

二十二年春正月寧州土豪陳龍以分寧奉新通城靖安德安武寧六縣降於明太祖

豫章書

元季龍憤父均祿死於賊率族子弟募義士得數十人登仁和寨殺賊殆盡鄉閭賴之以安鄰邑聞而趨附衆至萬餘是歲明太祖平江西龍遣弟良奉表歸附

舊志本傳

高市周天與奉鄉王仕俊廣潭方珉及艾元史鐔毛仁可等於元季糾集鄉兵結寨拒賊保障桑梓

舊志孝義傳

時紅巾倡亂連陷州郡天完軍裨將陷寧州武鄉胡宗武於逍遙山下立古陽寨屢敗賊兵境賴保全

達觀樓集

二十六年冬平江賊湯曠寇寧州標掠士民劫奪官庫次年討平之

明

憲宗成化初劇賊羅萬珪聚眾為患鄉邑恐侍郎原公傑檄
陳鳳岐督捕岐密購敢死士躡蹤至湖湘縛渠魁以歸

湖襄劇賊逼境官司檄太市劉孟芳捕之以計擒其渠魁

以上鳳岐孟芳本傳此與張幼文傳所稱荆楚流寇俱未詳年代核其名次疑即一時事

武宗正德八年奉新華林馬瑄寇亂屠瑞州府城州牧牛鸞
命椽周季珊統督義兵三千餘人守毛竹山朝夕設備幾

一年餘寇懼不敢犯

周季珊傳

世宗嘉靖初武鄉賊起蔓延崇奉州牧孫芝命周季珊統官
民兵五百人討之生擒渠魁熊舍人等十餘人斬首百餘
人招諭脅從甚眾賊遂潰

同上

神宗萬歷二年賊渠李大鑿楊青山等倡亂寧州武鄉據大

義寧州志

卷十三

武事

四

五百一十

幽山金雞橋等處數征勦殺傷官兵民甚眾

四年巡撫潘季馴至遣守備鄧子龍密授方畧先以精騎
千人各伏險阻一營萬載之黎源一營新昌之黃岡一營
奉新之百丈一營靖安之雙坑一營武寧之黃竹又密以
數十騎溷商賈中分伏楚疆斷賊西路子龍自督驍騎百
餘人夜半入賊老營大瀉山賊弛備就枕大礮四發皆驚
潰斬首百顆焚死者尤多餘黨果趨黎源洞遇伏兵次第
就擒大鑿復走安鄉將以楚長沙為援

五年十一月南昌府知府王三錫寧州知州石漢申明保
甲文武協濟不旬月大鑿青山餘黨盡擒撫臣奏請增設
城堡立守備等官於大瀉山之銅鼓石為寧州外屏分定
哨五營黎源諸洞險阻盡在掌握可成內外應援長治之

象俱豫章書

萬歷中土賊圍寧州城劉綎潛師討平之寧州銅鼓營土

告急當事以劉少保綎宿將善戰遣南昌新建二令復報

請討賊少保曰此守土者責也與綎無與翌日太守復報

踵至承平久不習兵革當事必欲強起之少保終不應撫

按大怒曰老革敢如是耶會疏劾劉綎家有藏甲今坐視

寧州不救養寇何為方具儀拜疏而捷音至且報劉將軍

班師抵沙井矣撫按愕然倉皇焚所欲上奏疏出迎章江

門外少保擊楫渡江旌旗耀日鏡鼓如雷入滕王閣首賀

平賊且請前罪當事改容勞之問曰將軍何不先告我輩

耶少保曰土賊敢圍州城此其蓄謀久矣劉綎薄有虛名

聞綎出師彼即獸散俟歸則又蠢動耳綎軍有貌似綎者

適會其病飾以為綎數方命使賊真知不備綎陰調士

馬集於奉新潛師疾馳一鼓剪滅兵法云兵行詭道百戰

百勝此之謂也

正劉少保雜記

懷宗崇禎八年秋土賊羅朝貴劫掠州庫由北門入又劫掠

富民劉紹廷家由南門入舊志城垣

崇禎中鄉有巨盜竊發騷擾吳楚當道患不能制州牧黃

義寧州志武事卷十三五百九十四

文麟設策擒之民賴安堵舊官師傳

國朝

世祖章皇帝順治二年五月李闖潰賊數萬奔入寧境地地方蹂躪人民離散城郭公廨幾成邱墟鄉里豪猾亦紛紛以乘機劫擄冬十二月雪夜闖寇再劫州城凡從前未焚之屋未戮之人至此焚戮無遺凍死及淹沒者亦千餘舊志官師傳詳

異志及姚氏是歲冬十月張猶龍等率眾攻州城自南門入明年三月再劫州城由青雲門入舊志城垣

三年正月張猶龍衝劫州城設置偽官舊志萬收傳三月金聲桓破寧州永寧王監軍許文龍死之初文龍起兵寧州金聲桓遣人招之不從率民逐我所置官吏屯兵

奉鄉聲桓乘間破寧州遂攻奉鄉圍守三月文龍糧絕乃走保界首若食盡被擒死焉三藩紀事 按聲桓所置官吏當在己酉冬姓名未詳據

舊志疑即萬牧仁若李牧昂 錄則於丙戌五月始到寧任

上高舉人曹志明等兵起新昌陳泰來與相結復上高新

昌寧州通志陳泰來傳

六年叛將鄧雲龍踞寧州秋大將軍譚泰降其眾以雲龍

歸武寧縣志

叛將鄧雲龍割踞抽丁勒餉眾至數萬立營三十六後統

兵至建昌敗亡過半其投水者填塞河道猴子山尸塞其

河水長丈餘舊志祥異

十年土寇蕭某嘯聚大湖山境內震驚巡道安世鼎設奇

制勝直擣其巢殲滅之寧民始免風鶴之恐安巡道德政碑

義寧州志

卷十三

武事

六百七十

聖祖仁皇帝康熙六年仁西二鄉豪強逋賦倡亂營弁朱萬壽

單騎遍諭鴛鴦俛首遂息議征之舉舊志官師傳

十三年春楚烽告警山寇所在竊發武鄉介其間妖異頻

興人心惶惑銅鼓守備高爵經理得宜與士卒同甘苦於

是咸樂効命戰且守者經年全上

十一月北門戍卒李忠等勾賊弁陳把總突至州門任牧

暄猷與州同李成芳率內丁自丑至未三戰三捷悉殺其

黨城賴以全嗣太鄉偵報忠潛遁山谷任牧又率內丁同

吏目潘士良營弁朱萬壽一夕趨至半山擒斬之舊志祥異及官

師傳

是年冬寧武奉靖盜首劉旺七戴朝曉等突陷建昌蹂躪

安義南康紀事

十四年春新昌賊與寧州靖安賊合掠奉新進化等鄉焚劫無虛日奉新縣志

二月逆賊楊白巾倡亂烏合二萬餘侵犯銅鼓營守備高爵統兵禦於楓槎六戰六克會暮雨收兵賊擁眾大至爵力戰不勝突圍走地為賊踞民陷為賊舊志祥異及官師傳

五月初二日土賊張猶龍熊吉昌勾引楊白巾入寇州城次於上坑嶺官兵拒賊戰於嶺下之沙邱州同知李成芳死之州城為賊竊據是時寧里八十有七俱賊盤踞東接新吳西抵星沙三百餘里租庸悉為寇糧又五月初一日知州任暄猷同援兵恢復州城賊退入奉武二鄉九月二十七日賊復寇州城遊擊牛鳳翔守西門馬瑞麒守北門任牧守秀水門守備朱萬壽守東門賊環攻七晝夜屯聚

義寧州志

卷十三

武事

七百八十八

馬家洲西北一帶一夕兩虎咆哮突入賊營驚為官兵自

相踐踏殺傷溺水者無數

舊志祥異及官師傳任牧德政碑

督標把總周焜勦賊於寧州榔樹坑自辰至未血戰陣亡

黃贊殉戰紀事

冬十一月賊再入寇渡河環圍州城踞鳳山下視人甚危之任牧及牛鳳翔馬瑞麒諸營弁堅守力禦城賴以全十二月初七日賊鼠竄而去

十二月賊潰於南康府墜崖死者數千礮傷箭射殺死五

百有奇餘賊遁回寧州

南康紀事

十五年八月十八日土賊張猶龍熊吉昌又引楊逆再寇州城遊擊高覲光守西門遊擊馬瑞麒守北門任牧守秀水門賊千餘屯鳳凰山任牧為建城堡三層不日而竣賊

對城圍火炮直攻戰守士卒無一中傷遂改秀水門為得勝門守備朱萬壽郭成功守東北門與賊相拒一十二日夜吏目潘士良馳報董總制啟請簡親王遣年將軍統滿漢官兵與賊戰於榔樹坑擒斬無算獲賊器械甚多賊仍竄入奉武二鄉冬分巡道李世昌揭榜招撫以廣

皇仁賊黨執迷不醒十一月進兵征邗來蘇三日破五寨戒令官兵不許焚擄再宣

上德賊雖望風遠遁仍負固不服舊志祥異

十六年三月土賊張在七劉旺七熊吉昌率賊兵冲劫安鄉九都陰晦寒雨連日不開初八日遊擊馬瑞麒提兵出勦晴霽融和士卒爭先克復安鄉九十兩都斬馘無算人心歡悅全上

義寧州志

卷十三

武事

八 四百九十一

冬十一月初九日恢復銅鼓營時董制台衛國親提大兵征勦次新昌芳塘諸將率師由黃岡口達銅鼓營直抵湖南平江界巡道李世昌由新昌芭蕉橋檄徵叅將馬瑞麒州牧班衣錦會兵武鄉由山口奉鄉由白水口進兵遂克復奉武安崇盤踞之地殺賊無算班牧招撫散亡安插開墾運糧以濟營戍詳宥迫脅兵民胥賴境始蕩平舊志祥異及新

志昌

世宗憲皇帝雍正元年九月流匪黃本習鄒文詔等謀逆殺營兵羅元悌客長李尚珍父子合州驚竄旋即就擒伏誅二年知府汪臨州安撫士民呈請於銅鼓咨提前營遊府添兵移鎮並移瑞州府軍廳駐劄彈壓棚民徹去土城捐各官役俸募工築城而銅鼓營益為重鎮劉氏拾遺及州志祥異

仁宗睿皇帝嘉慶三年逆匪劉聯登宋懷樸魏文宗因向在湖北通山縣先後拜盧及明學習符咒回家各傳徒衆聞湖北蒲圻縣有匪徒搶劫獲利遂起意在陳坊地方豎旂聚衆焚劫村庄七月十七起事十八夜鄉民投城稟報時知州劉光到官七日兵械糧儲皆虛十九日亟集諸紳士籌畫勸出米粟銀兩一面飛遞公文一面召募鄉勇增修城堡率同軍廳嵇承恂糧廳楊兆鱣為固守計劉聯登焚燒陳坊村庄數十家遂聚衆數千欲焚劫大椿一帶賊兵舉大旂而先有健兒持大棒殪倒執旂者鄉勇數十人乘勝疾攻賊即喪氣不敢進外委徐京邦領兵繼至賊橫結陣以待京邦爭先陷陣鄉勇數百人從之三戰三捷賊首劉聯登旋被鄉勇殺死於猪婆窩吳都宋懷樸魏文宗復於

義寧州志

卷十三

武事

九 五百四十五

二十二日起事時賊師陳鳳選在吳都是夜祭旂符咒紙兵而術不驗乃號令賊徒曰殺牲不驗須殺人以祭將縛賊某之母殺之某家以聞其母驚懼逃出叫喊陳鳳選潛逸去而宋懷樸遁魏文宗猶欲入城焚掠其黨不從遂亦遁初陳坊吳都兩處匪徒潛蹤匿跡密約七月二十九夜聚會州城欲乘八月初一許真君神誕混入城中舉事其匪徒通信錯傳二十九為十九距神誕尚遠會期既誤賊心慌迫故前後急起為亂南昌府知府蔡齊明聞變越宿而至一切安良除暴善後事宜皆其經畫州同知嵇承恂守大石口州判楊兆鱣運送兵食徐京邦又於七月二十六日在南竹山地方打仗獲賊器械及木印符書等賊衆敗潰悉竄入蓑衣洞踞張天湖之險以拒外委率兵及鄉

勇雜運土石薪木禾稗填塞洞外港口壅水逆流頃成大渠賊糧盡出與我師遇我師佯北引至港口奮力血戰賊衆被殺及溺死者無算雷公潭積屍充滿流水皆赤頃之銅鼓營都閩那郎阿援兵至與知州劉光復率鄉勇勦捕餘黨迨巡撫張誠基自七月二十八九由毛竹山肩輿赴寧州而渠魁既殲餘逆就擒矣其時總兵寧泰由瑞郡趨銅鼓入州城多方撫綏知府蔡駐城讞鞫各犯不縱不枉已而鄉勇擒獲宋懷樸魏文宗八月初八日巡撫張恭請王命將宋懷樸魏文宗凌遲處死斬決匪徒朱象喬朱又新宮道蘊宋駕榮黃玉瓚等三十四人梟示鄉城並驗明劉聯登首級懸掛衝衢餘犯男婦二百餘人解省分別治罪先是匪謀不軌知州陽浩然據民報盡拘賊黨解省上司以

義寧州志

卷十三

武事

十 四百九十四

無証飭還於是賊乃驕陽去任逾年而難作際承平日久驟聞兵革遠近驚駭幸事未發覺民已知備及其逆謀敗露不但附近居民奮勇戮賊而八鄉亦各糾集義勇馳往陳坊大椿又於各處隘口派丁堵禦晝則更番巡邏夜則擊柝警備其有形跡可疑及謠言惑衆輒執送有司不旬日而殲擒逆匪殆盡民卒安堵九月初十日巡撫札奉上諭該省既有教匪傳習滋事除殲擒各犯外仍當密為留心查察不可任其輾轉勾結亦不可稍涉張皇任聽胥役藉端擾累仰見

聖主軫念民瘼至意越二年知府蔡入

覲我

睿皇帝濬哲如神無微不至以此案

詢蔡蔡以實
奏

天顏有喜欽奉

諭旨嘉獎該州士民敵愾同仇知方向義

賜名義寧並

優賞李君弼等一十二人

戊午稿
袁珥平匪記

州舊志不列武事間附見於祥異中茲為分類加詳雖逞
事而忠義繫焉未可畧也

義寧州志

卷十三

武事

十一
九十五

義寧州志卷十三終